

17. gr.

Á eftir 54. gr. laganna komi ný grein, svo hljóðandi:

Forseti getur, með samþykki allra þingflokka, ákveðið, að ræðutími í einstökum umferðum skuli vera annar en til er tekið í öðrum greinum þessa kafla.

18. gr.

Aftan við 55. gr. laganna bætist:

Sama gildir, ef þingflokkur óskar, að útvarpað verði umræðum á þingfundi eða hluta af þingfundi.

19. gr.

Á eftir 56. gr. laganna komi ný grein, svo hljóðandi:

Ef Ríkisútvarpið óskar að útvarpa umræðu eða hluta af umræðu, beinir það tilmælum sínum til hlutaðeigandi forseta. Forseti tekur þau tilmæli á dagskrá og ákveður þingið eða þingdeild, að lokinni umræðu, hvort leyfð skuli. Þegar útvarpað er umræðu á þennan hátt, skal þess gætt, að ræðutími skiptist sem jafnast milli flokka eða mismunandi sjónarmiða.

20. gr.

Á eftir 60. gr. laganna komi ný grein, svo hljóðandi:

Í þessum kafla er orðið útvarp notað um hljóðvarp og enn fremur um sjónvarp, eftir því sem við á.

21. gr.

Á eftir 62. gr. laganna komi ný grein, svo hljóðandi:

Umræður þingdeildanna og sameinaðs þings, ásamt þingskjölum og atkvæðagreiðslum, skal prenta jafnóðum og gefa síðan út í Alþingistíðindum.

22. gr.

Orðin „ráðherra synjar ekki og“ í 64. gr. laganna falli niður og enn fremur síðasti málsl. lagagreinarinnar.

23. gr.

Lög þessi öðlast þegar gildi.

Gjört í Reykjavík, 29. maí 1972.

Kristján Eldjárn.

(L. S.)

Ólafur Jóhannesson.

L Ö G

um veitingu ríkisborgararéttar.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Ríkisborgararétt skulu öðlast:

1. Alfaro, Edward Achilles, barn í Reykjavík, f. á Íslandi 9. maí 1964.
2. Ashkenazy, Vladimir Davidovich, píanóleikari, f. í Sovétríkjunum 6. júlí 1937.

3. Banke, Arne Kurt Larsen, vélamaður í Reykjavík, f. í Danmörku 1. september 1946.
4. Bjarnarson, Elisabeth, húsmóðir í Vestmannaeyjum, f. í Færeyjum 7. september 1948.
5. Boucher, Alan Estcourt, kennari í Reykjavík, f. í Englandi 3. janúar 1918.
6. Boucher, Alice Kristín, skrifstofustúlka í Reykjavík, f. í Englandi 7. maí 1944.
7. Boucher, Robin Gunnar Estcourt, flugmaður í Reykjavík, f. í Englandi 15. september 1947.
8. Davidsen, Hans Kári, sjómaður í Hafnarfirði, f. í Færeyjum 5. október 1942.
9. Debes, Katora Margreta, húsmóðir í Reykjavík, f. í Færeyjum 10. janúar 1909.
10. Flego, Silvan Dragutin, verkamaður í Reykjavík, f. í Júgóslavíu 1. desember 1938.
11. Gunnlaugur Jón Ólafur Magnússon, barn í Kópavogi, f. í Þýzkalandi 14. apríl 1966.
12. Hansen, Conny Elinor, húsmóðir í Reykjavík, f. í Danmörku 1. september 1941.
13. Hansen, Jens Aage Vesterlund, garðyrkjumaður í Reykjavík, f. í Danmörku 4. október 1944.
14. Hodge, Susan Penelope, húsmóðir á Seltjarnarnesi, f. í Englandi 24. marz 1939.
15. Holton, Thomas Albert, markaðssérfræðingur á Seltjarnarnesi, f. í Bandaríkjunum 23. janúar 1933.
16. Hólmfríður Magnúsdóttir, barn í Kópavogi, f. í Þýzkalandi 22. júlí 1967.
17. Jacobsen, Hanna Sigurlaug Þorkels, húsmóðir í Reykjavík, f. í Danmörku 19. marz 1951.
18. Jerke, Monika Karla Carmen, verkakona í Reykjavík, f. í Þýzkalandi 26. nóvember 1945.
19. Joensen, Jens Elias Sören Frederik, sjómaður í Vestmannaeyjum, f. í Færeyjum 6. október 1911.
20. Jones, Gunnar David, verkamaður í Reykjavík, f. í Englandi 10. febrúar 1946.
21. Jóhann Magnússon, barn í Kópavogi, f. í Þýzkalandi 14. apríl 1966.
22. Knudsen, Hans Albert, flugmaður í Reykjavík, f. á Íslandi 1. október 1947.
23. Kreidler, Helmut Karl, gleraugnasmiður í Reykjavík, f. í Þýzkalandi 24. júní 1938.
24. Mörköre, Jörgen Jørgensen, sjómaður í Vestmannaeyjum, f. í Færeyjum 1. janúar 1918.
25. Quinn, Patricia, verkakona í Reykjavík, f. í Reykjavík 24. október 1949.
26. Retana, Vicente Gomez, bókbíndari í Reykjavík, f. á Spáni 9. júlí 1938.
27. Roth, Björn, barn í Reykjavík, f. á Íslandi 26. apríl 1961.
28. Roth, Karl, nemandi í Reykjavík, f. á Íslandi 17. nóvember 1957.
29. Roth, Vera, barn í Reykjavík, f. á Íslandi 17. febrúar 1963.
30. Salters, Doris, húsmóðir í Reykjavík, f. í Bandaríkjunum 21. ágúst 1946.
31. Sigurjón Einarsson, barn í Hafnarfirði, f. í Sviss 16. apríl 1968.
32. Steele, Anna Elín, nemandi í Vestmannaeyjum, f. á Íslandi 1. ágúst 1954.
33. Sörensen, Benny Torkild, verkamaður á Akureyri, f. í Danmörku 1. maí 1938.
34. Tausen, Hendrik Óli, sjómaður á Flateyri, f. í Færeyjum 10. júlí 1944.
35. Tuvina, Elena, húsmóðir í Reykjavík, f. í Sovétríkjunum 13. júní 1935.
36. Wiebel, Claudia Anita, húsmóðir í Reykjavík, f. í Þýzkalandi 11. október 1943.
37. Wiebel, Mikael Jochen Robert, barn í Reykjavík, f. í Þýzkalandi 11. apríl 1965.
38. Winther, Andrea Kristina, húsmóðir, Miðskála undir Eyjafjöllum, f. í Færeyjum 25. ágúst 1934.
39. Zurková, Marie Jaroslava, húsmóðir á Dalvík, f. í Tékkóslóvakíu 11. marz 1932.

2. gr.

Nú fær maður, sem heitir erlendu nafni, íslenzkt ríkisfang með lögum, og skal hann þá taka sér íslenzkt fornafn. Börn hans skulu taka sér íslenzk nöfn samkvæmt lögum um mannanöfn. Heimilt er dómsmálaráðherra að veita undanþágu frá þessu ákvæði.

3. gr.

Lög þessi öðlast þegar gildi.

Gjört í Reykjavík, 29. maí 1972.

Kristján Eldjárn.

(L. S.)

Ólafur Jóhannesson.

L Ö G

um lögreglumenn.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Ríkið heldur uppi starfsemi lögregluliðs, sem hefur það verkefni að gæta almannaoðryggis og halda uppi lögum og reglu, stemma stigu við lögbrotum og vinna að uppljóstrun brota, sem framin eru, samkvæmt því, sem nánar greinir í V. kafla laga um meðferð opinberra mála, nr. 82/1961.

2. gr.

Dómsmálaráðherra fer með yfirstjórn lögreglunnar, en lögreglustjórar fara með stjórn lögregluliðs, hver í sínu umdæmi.

Sýslumenn eru lögreglustjórar í sýslum og bæjarfógetar í kaupstöðum. Þar sem sérstakir lögreglustjórar eru skipaðir, fara þeir með lögreglustjórn í umdæmi sínu.

Ráðherra getur ákveðið, að hluti lögregluliðs skuli gegna lögreglustörfum hvar sem er á landinu. Hann setur reglur um störf þess lögregluliðs og hvernig stjórn þess skuli háttað.

3. gr.

Ráðherra ákveður tölu lögreglumanna í hverju umdæmi, að fengnum tillögum hlutaðeigandi lögreglustjóra, sbr. þó 3. mgr.

Ráðherra setur reglur um störf og starfssvið lögreglumanna og skipar þá í störf sín. Hann getur og sett reglur um starfsstig innan lögregluliðs.

Ekki má skipa í lögreglumannsstarf, nema fé hafi verið veitt til þess í fjárlögum, bæði að því er varðar tölu lögreglumanna og starfsstig.

Þegar sérstaklega stendur á og ráðherra telur nauðsynlegt öryggis vegna, að lögreglulið sé aukið umfram hið fasta lögreglulið, getur hann bætt við varalögreglumönnum um afmarkaðan tíma. Varalögreglumenn fá laun úr ríkissjóði eftir reglum, sem ráðherra setur.

Á stöðum, þar sem þörf er á löggæzlu vegna sérstakra aðstæðna, svo sem á vertíðum, má ráða lögreglumenn til starfa, eftir því sem fé er veitt til þess á fjárlögum.